

**PIST.** *Germen* ovato-conicum, decemstriatum, filamentorum altitudine. *Stylus* nullus. *Stigma* unicum, obtusum.

**PER.** *Capsula* ovata, calyce major, terminata stigmate striato persistente, decemlocularis, decasperma.

**SEM.** solitaria, hinc convexa, inde acuta, compressa, recta, angulo acuto.

Facies exacte Tribuli est. Tribulus est capsula inermi hinc intermedia inter Fagoniam & Tribulum,

*Habitat* in pratis ad CUMANA.

### 83. SPONDIAS. *Hobo hispanis.*

Chrysolalani varietas *J. Spec. Pl.* 513. 1.

Hobos *C. Bauh. pin.* 417. 5. 446. 6.

*Labat voyage pars.* 6. c. 8.

*Arbor* sat magna, trunco erecto; superne laxe ramosa, cortice ramoso, superne in ramis majoribus tuberculoso, scabro.

*Folia* alterna, pinnata cum impari: *foliis* subovatis s. oblongis, acutis, margine inferiore rectiore.

*Flores* copiosissimi, sessiles in racemis compositis: *ramis* patentissimis (ut in Vite), *Bractee* nullae.

*Corolla* albæ.

*Drupa* luteæ, odore svari sed graveolente.

**CAL.** nullus, nisi margo minimus, obsolete quinque-dentatus, colore corollæ, persistens.

**COR.** *Petala* quinque, oblongo-lanceolata, secunda, inferne versus pedicellos conniventia, apice introrsum puncto acuto, incurvo communiter notata.

*Nectarii* squamæ decem, obtusæ, minimæ, singulæ intra singula filamenta.

**STAM.** *Filamenta* decem, setacea, erecta, patula, corolla paulo breviora. *Antheræ* oblongæ.

**PIST.** *Germen* receptaculo immersum, oblongum, sæpe abortiens, unicum. *Styli* quinque (non raro quatuor), brevissimi, paralleli, conniventes in columnam pentagonam vel tetragonam. *Stigmata* simplicissima.